

ليه يا قلبي

وسط البشر مافيش غيرك أنت
 وما عاد نظري يشوف إلا خيالك
 أتوه بين الدروب
 واحلم بوصالك
 ماعارف بقيت غالب ولا مغلوب
 والبعد دايمًا حالك
 بحكي حكايتي لكل الناس
 قالوا ارحم قلبك وشوف بداله
 قتلهم قلبي أسير حبه
 ولو غاب حبيبه

أعلن من الحياه إعتزاله
قالوا روح لأهل الهوي
يمكن تلاقي طبيب لحالك
مشيت بين المدن رحال
بين نهار بيطول
وحزن بيغني الشوق موال
وقلبي بيحضن الأمانى
ودمعي ع الخد سال
شمس ما بتغرب
وليل سهده طال
حتي القمر صار محال
ليه ياقلبي عليها حنين
وعليا قوي وجبار

تكره تريحني
وليها كل الأعذار
تسقيها من الشهد
وأنا أعيش ع كاس من الصبار
اوعي بكره تيجي وتجرحني
وتسيبني تايه مختار
وكانك يا قلبي ماتعرفني
وترميني وتحرقني بالنار
طاواعتك ومشيت معاك
أدور عليها
ومارضيت لك إنتظار
واستعبدت لك جسدي
وسقيته م الذل مرار

عشت دايمًا براضيڪ

وكل عمري فنيتہ فيڪ

ملكتنى كلي وبقيت ليڪ

ولو تعبت أنا برضه حداويڪ

أنت ياقلبي قلبي أنا

مش قلبها

ليه تفارق حضني

وتختار حضنها

خايف ياقلبي ترجع متروح

وتتعلم منها درس الجروح

ليه ياقلبي.. أنت قلبي مش قلبها

حبيت الهوي بعد ماعشت دنياه

خايف تجرب ذل الهوي وقساه

ماينفع ندم ولا ألم
ولا تقدر يوم تنساه
وأديك جربت شوق الهوي
وعشت عذاب البعد وفرقاه
وعذبتني بالجوي
وسكنتني ف قصور ذكراه
ورحلت من بين ضلوعي
وقلتلي بهواه
أوقدت لك كل شموعي
واتمنيت تكون مناه
أمانه عليك ماتجرحني
إنت إخترت تعيش معاه